



BASES DO CONCURSO DE COMPARSAS E GRUPOS DE FANTASÍA CONCELLO DE POIO

PRIMEIRA.- O Concello de Poio publica as bases do Concurso de Comparsas e Grupos Fantasía Concello de Poio, que se vai a celebrar no lugar de Campelo o día 15 de marzo de 2020 ás 17:00 horas, dentro do programa de actividades do Entroido 2020.

SEGUNDA.- Poderán participar neste concurso as comparsas e os grupos de fantasía, vestidas/os de forma semellante, bailando unha coreografía durante o percorrido do desfile ao ritmo dunha melodía formada por un grupo de música en directo.

- Comparsas: Deberán estar integradas por un mínimo de 25 compoñentes.
- Grupos de fantasía: Deberán contar cun mínimo de 15 compoñentes.

TERCEIRA.- A concentración e o desfile farase o domingo 15 de marzo nos seguintes lugares e horas:

- PUNTO DE ENCONTRO (16:00 h): Complexo Deportivo Miguel A. Pazos Barros (A Seca).
- DESFILE (17:00 h): Saída da Rúa Beiramar, 74 e chegada á Praza da Granxa (Campelo).
- ENTREGA DE PREMIOS: na praza da Granxa de Campelo, ao finalizar o desfile.

Todos/as os/as participantes deberán estar no punto de encontro á hora sinalada (16:00 h) para cumprir o itinerario establecido, sendo a falta de puntualidade causa de inmediata descalificación.

A orde de actuación dos grupos/comparsas no desfile determinarase pola organización.

Toda comparsa deberá ir precedida por un estandarte, no cal porten o nome da agrupación.

CUARTA.- As solicitudes de inscrición poderán presentarse no Rexistro Xeral do Concello de Poio, en impreso normalizado para este fin, entre os días 3 e 11 de marzo (ambos inclusive) en horario de 08:30 a 14:30 horas, ou ben a través da sede electrónica do Concello (www.concellopoio.sedelectronica.gal).

Xunto coa solicitude de inscrición deberase acompañar a seguinte documentación:

- Copia do CIF da comparsa/grupo/asociación.
- Copia do DNI do/da representante.

Os/as integrantes do xurado e as comparsas participantes locais non poderán participar neste concurso.

QUINTA.- Os premios establecidos para o concurso son os seguintes:

COMPARSAS	
1º Premio "Gino Castiñeira"	475,00 €
2º Premio	425,00 €
3º Premio	400,00 €
4º Premio	300,00 €
5º Premio	200,00 €
6º Premio	150,00 €

GRUPOS DE FANTASÍA	
1º Premio	300,00 €
2º Premio	250,00 €
3º Premio	200,00 €
4º Premio	150,00 €
5º Premio	100,00 €

O importe máximo dos premios a repartir, anteriormente referidos, será de 2.950,00 €

O pago farase mediante transferencia bancaria. Os premios estarán sometidos as retencións do IRPF que legalmente correspondan. O/a representante que figure na folla de inscrición representará ao grupo/comparsa a efectos de recibir/cobrar o premio.



Os premios son indivisibles, podendo quedar desertos previa xustificación.

Ao remate do desfile, o xurado dará a coñecer aos gañadores dos premios. Será obrigatoria a presenza dun/dunha representante dos grupos ou comparsas participantes durante a lectura dos premios. A non presenza implicará a renuncia ao premio.

SEXTA.- O xurado estará composto por un/unha representante de cada unha das asociacións organizadoras, pola concelleira de Cultura e por un profesional do ámbito artístico musical.

O xurado terá liberdade de criterio para establecer a súa avaliación e cualificación atendendo a cuestións como o vestuario, a orixinalidade, coreografías, harmonía, simpatía, actitude, ritmo, animación, estética, posta en escena, o maquillaxe, a imaxinación, a temática, a música ou a presenza de elementos complementarios como carrozas ou plataformas móbiles, etc.

As persoas membros do xurado avaliarán aos/ás participantes no desfile dende diferentes puntos do percorrido sen determinar.

Ao remate do desfile as/os compoñentes do xurado reuniranse para fallar o resultado e comunicalo publicamente. A puntuación de cada membro do xurado será de 0 a 3 puntos. Os premios outorgaranse segundo as puntuacións totais obtidas, despois da suma das valoracións parciais de cada compoñente do xurado. No caso de empate decidirá o voto de calidade do/da presidente/a.

A decisión derivada da aplicación dos criterios de avaliación do xurado é inapelable.

SÉTIMA.- Co obxecto de garantir a seguridade dos demais participantes e do público asistente, o persoal da organización e o xurado do concurso quedan facultados para excluír do desfile ou cambiar o seu posto da orde a calquera elemento dos/das participantes que se considere perigoso (petardos, bengalas...).

OITAVA.- As carrozas ou plataformas móbiles terán que levar obrigatoriedade un extintor de incendios na cabeza ou vehículo tractor.

NOVENA.- A organización queda facultada para resolver as posibles eventualidades ou controversias que poidan xurdir, non previstas nestas bases.

DECIMA.- Por motivos climatolóxicos, o desfile poderá ser aprazado para outra data ou suspenderse definitivamente.

UNDÉCIMA.- A organización realizará unha cobertura fotográfica dos diferentes momentos do desfile. Os/as participantes, mediante a inscrición, consentirán na cesión da súa imaxe para as fotografías que se realizarán durante a celebración deste evento. As fotografías serán utilizadas pola Concellería de Cultura con fins divulgativos e para a promoción das súas actividades nos seus perfís sociais e páxina web oficial.

DUODÉCIMA.- A participación neste concurso supón a aceptación de todas e cada unha das bases.

DÉCIMO TERCEIRA.- As presentes bases estarán expostas no taboleiro de anuncios da Concello de Poio e na páxina web: www.concellopoio.gal

Concellería de Cultura do Concello de Poio